

Akšuvdna oaivedihkiid vuostá

Álbmotdearvvašvuodainstituhtta ávžžuha buot riikka skuvllaid ja mánáidgárddiid searvat nášuvnnalaš, jahkebealát akšuvnnas oaivedihkiid vuostá mii lágiduvvo juohke jagi vahku 10 ja 35. Dán vahku mii galgat searvat.

Ákšuvnna ulbmil lea ahte buot riikka skuvlaoahppit ja mánáidgárdemánát iskojuvvojit jus leat oaivedihkit. Lea oalle dehálaš ahte buot skuvllas/mánáidgárddis servet. Ja vel mánáid ja bargiid lassin galggale eará bearášlahtut gehččot jus leat oaivedihkit akšuvnna áigodagas. Nu láhkai várra fas njoammut ja gallii ožžo oaivedihkiid sakka njeido áiggi mielde. Dalle go fuobmá oaivedihkiid, de ii leat dárbbášlaš doallat máná eret skuvllas, muhto galgá gieđahallot nu fargga go vejolaš.

Oaivedihkiid áicá jus čohká vuovttaid dihkečohkamiin (oastá apotehkas). Lea dehálaš ahte čohká olles vuovtta guhkkodaga, ja ahte álgá siskkimusat oaivečohkas. Álbmotdearvvašvuodainstituhtta ávžžuha čohkat njuoska vuovttaid. Njuoska vuovttat hehttehit dihkiid lihkkama. Sáhtta lasihit balsama de šaddá álkibut čohkat. Sihku čohkama goikebáhpriin dehe sihkaldagain juohke gearddi ja geahča jus leat dihkit. Go dihkit leat goikan de lihkkagohtet. Muhtimat liikojit buoret čohkat goike vuovttaid. Olbmo gean čohká galgá dalle čuožžut vilges sihkaldag badjel dehe sullásačča, nu áicá dihkiid mat gahččet vuovttain. Deháleamos lea goitge ahte čohká.

Dalle go fuobmá oaivedihkiid, de leat mánaga gieđahallamiid maid sáhtta dahkat váttisvuhtii. Sáhtta 1) gieđahallat dihkkedálkasiin (oastá apotehkas) 2) čohkat dávjá (beaivválaččat 14 beaivvi), dehe 3) čuohppat vuovttaid oanibut go 0,5 sente. Jus geavaha dihkkedálkasa de lea dehálaš čuovvut páhka bagadallama dárkilit.

Oaivedihkit eai leat váralaččat, muhto leat váivvit dasa gii gillá. Oaivedihkit njoammut oaivvis oaivái oktavuodas ja buohkat sáhttet fáhtehallat, beroškeahhtá agi, vuoktasortta jna. Dihkit hedjonit jođánit go leat eret oaivvis. Danin ii leat dárbbášlaš bassat dálu, viessogálvvuid, guoddái jna.

Mii sávvat ahte buohkain geain leat mánat min skuvllas/ mánáidgárddis dorjot akšuvnna nu ahte mii ovttas sáhttit njeaidit boahtteáiggi dihkkeváivvi min luhtte. Boađus dutkamiin vuoseha ahte deháleamos bidju njeaidit gallii go ožžo oaivedihkiid lea geahččat dávjá. Akšuvnna áigodaga lassin mánat galggaše čohkkojuvvot unnimusat oktii mánnui, mielas fal juohke vahku.

Loga eanet dihkiid birra, www.fhi.no/lus